

Louis Astruc

**La
Marsiheso**

Pouèmo dramati

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

C.I.E.L. d'Oc

Ate premié

Interiour de l'oustau de Rouncivau.— Salo esclarado feblamen. — Dos porto dins lou founs. — A drecho e à gaucho uno fenèstro.

SCÈNO PREMIERO

ROUNCIVAU, ROUMAN, GENEROUS, OME DÓU POPLÉ DE TOUT AGE, JANO
acouidado à la fenèstro de drecho.

ROUNCIVAU

Ami, s'es vist anieue treva coume de glàri
De fàci d'espagnòu. autour de nòsti bàrri,
Espion de Carle-Quint, bèn digne de Bourbon,
Que vènon de-segur coumta nòsti canoun,
Que vènon estudia coume pèr la famino
Nous poudrien prèndre, o bèn ounte metran de mino.
Acò m'esplico clar qu'un suprème pregit
Se mitouno à-declai au camp que vòu regi,
Mai sounjas que pèr grand que sigue dis Espagno
Lou rèi Carle cinquen, tant grand que d'Alemagno
Tèn peréu la courouno e lou globe, i'a plus aut
Aquéu que tèn lou mounde e counfound li catau.
Em' aquéu i'a lou dre qu'en soubeiran mestrejo,
I'a dins lou dre: Patriù ! à mort li bando irejo
Que volon nous rauba l'antico Liberta!...
Aquéu mandè soun fiéu sublime qu'es esta
Pèr noste afranquimnen clavela coume un laire.
Ami, juren eici paire, espous, fiéu e fraire
Que pèr la liberta coume éu saupren mourri
Se lou dre 's pas proun fort. La crous ounte a peri.
Reçaupe nosto fe.

(Presènto soun pougard en lou tenènt pèr la pouncho.)

Juren!